

esse necesse est. 'Exalta', ait propheta, 'sicut tuba vocem tuam'; aliusque: 'Sit guttur 801  
tuum sicut aquila tuba super domum Dei'<sup>1</sup>. Multi occupant terram, sed querenti <sup>post Apr. 4.</sup>  
Christo fructum non adferent. Tua vero, vir venerande, sanctitas honoret ministerium <sup>Isai. 58, 1.</sup>  
tuum; praedica oportune, inopportune, et ut trapazeta<sup>2</sup> sapiens multiplica pecuniam <sup>Osee 8, 1.</sup>  
<sup>Luc. 13, 7.</sup> Domini, ut denaria mercede dignus efficiaris. <sup>2. Tim. 4, 2.</sup>

Hoc opus, hoc etenim forsitan te subtrahit igni;

Hoc opus, hoc etenim caelesti te inserit aulae.

Hoc poeta<sup>3</sup>. Sed apostolica auctoritas hoc ubique ammonere probatur; hoc et ipsa  
veritas praecipit dicens: 'Ite, docete omnes gentes'. Item psalmista beatum esse <sup>Matth. 28, 19.</sup>  
<sup>10</sup> refert, 'qui meditabitur in lege Domini die ac nocte'. <sup>Ps. 1, 2.</sup>

Plurima forte vestrae videtur prudentiae meam garrere inperitiam. Sed maiora  
opto vobis divinae pietatis gratiam spiritualis beatitudinis conferre munera; igitur ea  
fiducia has dictavi litterulas, quia sciebam vestram sanctitatem pia caritatis donis  
divitem<sup>a</sup> esse et libenter sustinere verborum pondera, quae ex veri amoris fonte  
<sup>15</sup> fluere noscuntur.

Sed hoc maxime supplici deprecor pectore, ut me, famulum vestrae sanctitatis,  
in sanctis orationibus commendatum habeas; eo magis, quod<sup>b</sup> adpropinquat dies retri-  
butionis. Nam me tacito pede curva senectus<sup>4</sup> festinare cogit ad praesentiam iudicis  
mei. Sed et viam itineris mei quasi latro rabidus continua febris obsidet<sup>5</sup>; spolians  
<sup>20</sup> me optatae salutis vestimentis, ut vix aliquod servitium in domo Dei explere valeam.  
Unde me maior compulit necessitas ad famulorum Christi currere suffragium, ut me  
sanctis satagant<sup>c</sup> adiuvere intercessionibus, ne anima mea tradatur inimicis domini  
mei Iesu Christi.

Tu vero, vir clarissime, cui est aetas florida<sup>6</sup> et vividae virtus sapientiae et  
<sup>25</sup> sancti honoris sublimitas, sacrae praedicationis floribus vias itineris tui replere memento;  
in omni loco vestigia tui adventus relinquens. Tuusque tecum, supplici deprecor voto,  
vadat Albinus in ore et in corde, quocumque eas. Qui te apud Sanctum Martinum  
sui pectoris portat in arca et orationibus iter tuum prosequitur; optans angelum Dei  
bonum tecum ire, ut cum prosperitate eas et cum gaudio feliciter revertaris ad nos.

<sup>30</sup> Utere sorte tua<sup>7</sup> feliciter, ut fruaris mercede tua aeternaliter. Via est haec vita.  
Beatus<sup>d</sup>, qui pratorum varietate non tenebitur in via, quominus festinet ad patriae  
pulchritudinem. Felix, qui sarcinam divitiarum in pauperum<sup>e</sup> dividit solacia; sciens  
pauperum manus gazophilacium esse Christi<sup>8</sup>, qui se testabitur in die magno accepisse  
quicquid minimis suis in hac erogabitur luce.

## 226.

<sup>35</sup> *Alcvinus Eanbaldum II archiepiscopum Eboracensem de incommodis consolatur.*  
*Munera mittit. De libro missali; de ordine Romano; de adversa sua valetudine.*

801 post Apr. 4.

*Cod. H fol. 50—51.*

*Edd. F 171, Haddan and Stubbs Councils III, 507—509, J 167. — Migne col. 234.*

<sup>40</sup> a) divites H. b) quo H. c) satagunt H. d) Beati H. e) pauperem H.

1) Osee 8, 1: In gutture tuo sit tuba quasi aquila super domum Domini. 2) trapezita.  
3) C. Iuvencus Hist. evangel. v. 30: Hoc opus, hoc etenim forsitan me subtrahet igni. Cf. supra p. 313.  
4) Ov. ars am. II, 670, cf. infra epp. 310. 311, Carmen LIV v. 19 (Poet. Carol. I, 266): Curva senec-  
tus | Certe propinquat. 5) Hoc febris impetu post pascha (post 4. Apr. 801) iactatum Alcvinum esse  
<sup>45</sup> intellegimus ex ep. 218 supra p. 362. 6) Hic locus de Theodulfi aetate notatu dignus. 7) Aen. XII, 932:  
Utere sorte tua. 8) Cf. supra p. 168 n. 2; 275 n. 3.